



**Quæstionum Canonicarum, In Quinque Libros
Decretalium, Tomus ...**

In Librum IV. Decretalium, per viginti, & unum Titulos distributum, De Sponsalibus, Et Matrimoniis, eorumque impedimentis, ac dispensationibus,

...

Schlüter, Georg

Augustæ Vindelicorum, 1702

§. 3. An, acceptans promissionem matrimonii, hoc ipso tacitè repromittat?

[urn:nbn:de:hbz:466:1-73058](#)

alias nibil esset, si scilicet nec per alium promissio absentia facta, foret acceptata: Licet autem in textu hujus mentio non fiat; tamen hoc ipso, quod jus approbet, ut validam, promissionem factam absenti, denotare voluit, absentis nomine alium acceptasse; cum ex nullo contractu obligatio oriri possit, nisi ex mutuo consensu, ut colligitur ex L. 1. ff. de Pactis. §. in his, Institut. de Empt. & Vendit. L. contractus C. de Fide Instrument. L. 2. ff. de Action. & Obligat. & per Barbos. in cit. c. Veniens n. 3. promissio absentia facta, nullo pro eo acceptante, sit revocabilis in utroque foro ante acceptationem.

18. Dices, 2. promissio matrimonii facta infanti, revocari non potest, quousque infans veniat ad etatem, in qua sit aptus acceptando, vel rejiciendo, quod sibi promissum est, argum. L. Jubemus. C. de Emancip. liber. Sed Resp. Negando Ant. ita Coniach. D. 22. d. 6. n. 36. contra Sanch. de matr. l. 1. D. 6. n. 27. Nec urget paritas ab Emancipatione. Hec enim liberat filium ab obligatione, quam fundat in illo jus, concessum parenti ex privilegio juris positivi, cui pater, etim invito filio, renuntiare potest: at promissio non inducit obligationem ex aliquo, quod soli promittenti liberum est. Plus enim ad acquirendum, quam amittendum jus, requiritur, ut dictum est n. 15.

§. 3.

An, acceptans promissionem matrimonii, hoc ipso tacite repermittat?

19. Affirmativam sequitur Basilius Pontius l. 12. de Sponsal. c. 4. n. 2. & 10. sed negativa probabilitas est, quam tenet Sanch. l. 1. D. 5. Castropal. d. 1. de Sponsal. p. 3. n. 8. de Luca l. 14. p. 2. decision. Rote, discursu 8. n. 4. & alii. Quia acceptatio promissionis absoluta, ac merè liberalis, nec tacite est repermisso, seu reciproca promissio promittenti, facta; ut manifestum est in acceptatione donationis, legati &c. 2. Quia in dato casu puella non acceptat matrimonium absolute contrahendum, sed tantum datum fidem, seu promissionem sibi factam de matrimonio contrahendo, si ipsa voluerit; hæc autem data fidei acceptatio nullo modo est repermisso; quia certum est, quod longè diversa sint, absolute

acceptare fidem datum de matrimonio contrahendo, cum acceptans voluerit; & acceptare matrimonium absolute contrahendum: ergo ex vi primæ acceptationis non infertur repermisso matrimonii, per promittentem fidem datam oblari.

Hinc sequitur 1. negandum esse, quod 20. omnis promissio futuri matrimonii, natura sua, sit conditionalis, aut necessario respectiva ad repermisionem contrahendi absolute matrimonii, licet sit acceptatio data fidei, praesundi futuro tempore contrahendum, si alteri placuerit; & ideo ea promissio fieri potest circa onus impositum promissario, sola intentione se, non alterum, gravandi, ut etiam tenet Pereyra cit. l. 3. n. 665. Sequitur 2. contra Pontium rectè negari, omnem promissionem matrimonii futuri, esse natura sua essentia liter alligatum repermisioni futuri matrimonii, tanquam conditioni. 1. quia non est de natura promissionis, ut sic, prout dictum est. 2. quia nec est denatura promissionis futuri matrimonii, esse promissionem per modum contractus onerosi; quid enim prohibet, eam esse purè liberalem, & absolutam? & acceptari ut talen à promissario, quatenus est in sui favorem, habere alterum sibi obligatum, relicto sibi tempore deliberandi, quid expediat? an contracta ab altero obligatiovis executionem urgere? an obligationem remittere?

Hinc, esto transmittatur, quod, si viro dicente: accipio te in meam uxorem, mulier respondeat: placet mihi, vel accepto, hæc acceptatio sit saltē tacita repermisso matrimonii de præsenti; negatur tamen, quod si viro dicente: accipiam te in meam uxorem, mulier respondeat: placet mihi, vel accepto tuam promissionem, hæc acceptatio sit, saltē tacita repermisso matrimonii de futuro, si loquatur de promissione pura, & merè liberali. Nam, quando vir dicit: accipio te in meam uxorem, vir per actualem suam promissionem (quantum est ex se) intendit mulieri constitutere jus in re, seu reale sui corporis ad usum conjugalem; hoc autem jus mulier sine repermisso non potest acceptare. 1. quia jus reale in corpus viri ad usum conjugalem, ex solo contractu conjugali nascitur, qui non stat sine repermisso mulieris. 2. quia si mulier sine repermisso illud jus reale à viro, ex parte sua

abso-

A 3

absolutè oblatum , acceparet , quin & ipsa re promitteret , acceptaret jus reale ad copulam cum non suo : at in secundo casu , vir per actualem suam promissionem non intendit mulieri constituere jus in re , seu reale in suo corpore ad usum conjugalem , sed tantum jus ad rem , seu personale , consequenter constituit solum in se obligacionem , si mulier voluerit , ipsi futuro tempore constituendi jus in re , seu reale ad usum conjugalem . Certum autem est , quod acceptans jus ad rem , seu personale , ab altero exigendi futuro tempore celebrationem contractus , acceptando tale jus se non obliget ad contrahendum . Nam Emphyteuta , pretio volens alienare rem Emphyteuticam , obligatus est illam , praeterea , vendere Domino directo , si hic velit ; quin per hoc Dominus directus obligatus maneat ad eam emendam ; vel , quin acceptando illud jus in Emphyteutam , etiam tacite re promittat emptionem de futuro .

22. Et quamvis in tali promissione agatur de matrimonio in futurum contrahendo , non tamen sequitur , quod ille , qui promittit alteri matrimonium pro futuro tempore , postulet ab altero , ut secundum consentiat in illud ; nam licet verum sit , quod in tali promissione agatur de matrimonio contrahendo , hoc ipsum tamen fieri potest , ut agatur de illo contrahendo , vel absolutè , vel si mulieri placeat . Unde , si mulier acceptet fidem datam , & consentiat in postulatum per promissionem factam secundo modo , negatur eam hoc ipso re promittere , ut patet ex ipso casu . Hinc etiam negatur , promissionem de futuro matrimonio , habere se instar permutationis , ut vult Pontius ; ad summum enim habet se instar promissionis de futura permutatione . Unde , sicut acceptans promissionem futuræ permutationis , non absolutè consentit in permutationem faciendam , sed solum in fidem datam de illa à promittente præstanta , si alteri placuerit ; sic res se habet in acceptatione promissionis matrimonii contrahendi , si ipsi placuerit (nam aliud est permutation , vel venditio ; aliud pactum , seu promissio de permittendo , vel vendendo , ut inquit Jason in L. Bonae fidei ff. de eo , quod certo loco . apud Pyrrhum Corradum praxi dispens . Apostol . l. 7 . c. 6 . n. 26 .) atque ibi non fit re promissio

faciendi permutationem etiam de futuro ; ergo nec hic re promissio contrahendi matrimonium etiam de futuro .

Nec urget , quod Pontius adducit de 23.

Venditore . Nam Venditor , etiam absolutè , sed merè gratis (nimirum liberaliter liberalitate excludente obligationem) potest promittere futuram traditionem mercis pro pretio , sub conditione , si alteri placeat , tali pretio emere , quin alter acceptando talem promissionem , re promittat premium se daturum , ut , si accepte reservato jure deliberandi ; ergo etiam vir merè gratis , & absolutè potest promittere futuram traditionem sui corporis sub conditione , si alteri placeat pariter suum corpus reciprocè in futurum tradere , quin alter acceptans eam promissionem , re promittat suum corpus se daturum , ut , si accepte salvo jure deliberandi , an velit , an nolit , consentire in promissionis executionem , etiam ex parte sua complendam , secundum quod alterius promissio Promissario onerosa est . Ant . pat . non tantum in casu allato n. 21 . de Emphyteuta ; sed etiam in possidente bona retractui subjecta . Nam talis habet obligationem in casu , quo veller alienare ejusmodi bona , ut ea vendat illi , qui habet proximum jus retractus , quin habens jus retractus acceptando talem obligationem , lege vel pacto inductam , etiam tacite re promittat , vel consentiat in emptionem , etiam de futuro ; cum ei semper liberum sit (etiam posita tali obligatione acceptata) illa emere , vel alteri emenda relinquere , quæ possessor eorum bonorum venderet .

Ex hoc sequitur 1. contra Pontium 24 . cit . c . 4 . n . 2 . promissionem futuri matrimonii , licet acceptatam , posse esse non mutuam ; quia potest dari acceptatio talis promissionis , quin illa etiam tacite sit re promissio ex n . 19 . Sequitur 2. contra eundem n . 10 . ex promissione futuri matrimonii acceptata , non hoc ipso nasci Sponsalia ; haec enim exiguae promissionem mutuam ex n . 6 . sed ea promissio acceptata potest esse non mutua ; ergo . Sequitur 3. ad Sponsalia adhuc requiri promissionem , licet viro merè liberaliter promittente , foemina accepter illam promissionem solum ex titulo , ut promittentem habeat

habeat obligatum. Nam, cùm ex dictis ea promissio possit esse acceptata sine ulla repromotione, sine qua non stant Sponsalia, rectè sequitur, ejusmodi promissionem cum tali acceptatione non facere Sponsalia; sic Castropal. *de Sponsal. p. 5.* operis moralis d. 1. p. 2. n. 12.

25. Sequitur 4. quod vir promittens futurum matrimonium, vi talis promissionis maneat obligatus, si mulier promissionem acceptet, est hæc nec tacitè repromittat, in casu, quo promissio non est respectiva, & per modum contractus onerosi, sed absoluta, & liberalis. Ita Gobat in *Theol. Experim. tr. 10. n. 20.* Nam promissio acceptata promittentem obligat saltem, naturaliter, quando est derelicita, & possibili, ut constat ex cit. c. qualiter, de *Patis. ibi: studiosè agendum est, ut ea, que promittuntur, opere compleantur.* Sequitur 5. dictam obligationem non obligare in vi Sponsalium (cùm in hoc casu nulla sine) sed solum in vi contractus non onerosi; hic enim claudicare potest, seu ex una tantum parte obligare, secus Sponsalia. Sequitur 6. si, viro promittente futurum matrimonium sub conditione repromotionis, voluntate ad eam sic restricta, ut aliter obligatus esse nolit, mulier promissionem acceptet cum ea conditione, tamen acceptationem esse saltem tacitam repromotionem, indequè consurgere Sponsalia, si cætera non desint: sic enim habetur mutua promissio futuri matrimonii.

16. Cùm autem raro contingat, futurum matrimonium promitti absoluè, ac merè liberaliter, sed plerumq; ac regulariter sub onere repromotionis, ut rectè nota Bonacini. *de matr. q. 1. p. 1. n. 7.* (nisi aliunde confiteretur de gratuita voluntate promittentis, aut is expressè significet, se pure, ac liberaliter promittere) meritò præsumitur, fieri sub ea conditione voluntarem restringente, adeoque talis promissionis acceptationem esse tacitam repromotionem. In dubiis enim præsumendum est, quod communiter fit. Ceterum acceptans sine repromotione (ne censeatur promittentis animum contemnere, vel ius ex acceptata illius promissione acquisitum remittere) non debet nimium promissionem differre, sed vel repromittere; vel se declarare, quod non cupiat

promotionis executionem, ut tenet communis.

§. 4.

De promissione absenti facta.

Promissionem futuri matrimonii posse 27. fieri etiam absenti, constat ex cit. c. veniens 5. qui Clerici, vel vovent. Et il'am tamē semper esse revocabilem nullo acceptante, constat ex n. 8. quia sic contractus perfectus non est, consequenter ineptus; ut obligationem pariat, non revocabilem à promittente; sic Castropal. *de Sponsal. d. 1. p. 3. n. 6.* imò ante omnem acceptationem nec promissio dicitur, sed tantum pollicitatio ex n. 3. & constat ex L. *absenti 10. ff. de Donat. his positis,*

Quæstio est, an ut promissio futuri matrimonii absenti facta, promittentem irrevocabiliter obliget, sufficiat, acceptari ab alio nomine absenti? Resp. si puellæ absenti promittatur matrimonium sub conditione repromotionis, promissionem manere revocabilem ante præstitam repromotionem, vel à puella, vel alio habente ad hoc mandatum speciale. Quia non posità conditione, vis obligandi ex promissione conditionali suspensa manet, prout colligitur ex c. *Venient. 5. b. t.* ubi dicitur, eum non teneri ad matrimonium perficiendum, qui in mulierem consentit, si Pater ejus suum prestaret assensum, nisi Patris voluntas postmodum accedat; cum illius consensus in alieno arbitrio non habito, sed habendo constitutus. Et hoc verum est, licet alius, non habens mandatum speciale, loco absenti acceptet; quia huius acceptatio non ponit conditionem, sub qua facta est promissio, nec etiam ratificationem puellæ prius, quam ei talis promissio innoteat. ut dicimus in seqq.

Dubitatur tamen 1. quid dicendum, 29. quando puellæ absenti promitis futurum matrimonium, animo illi constituendi promissionem merè liberalē? an, si ejus loco promissionem acceptet aliquis, qui pro illa stipulari potest (ut Pater) promissio reddatur irrevocabilis, donec absens, post notitiam promotionis acceptatae, obligationem remittat? Affirmativam sequitur Sanch. *l. i. hic d. 7. a. n. 3.* Resp. 1. si promissio facta sit absenti, verbis ad illam